

EKONOMSKO SOCIJALNO VIJEĆE ZA TERITORIJU
FEDERACIJE BOSNE I HERCEGOVINE

**IZVJEŠTAJ O RADU
EKONOMSKO-SOCIJALNOG VIJEĆA ZA TERITORIJU FEDERACIJE BIH
ZA 2021. GODINU**

Sarajevo, februar 2022. godine

IZVJEŠTAJ O RADU EKONOMSKO-SOCIJALNOG VIJEĆA ZA TERITORIJU FEDERACIJE BIH ZA 2021. GODINU

Broj održanih sjednica

Ekonomsko-socijalno vijeće za teritoriju Federacije BiH u 2020. godini održalo je ukupno 5 sjednica i isto toliko Kolegija ESV-a.

Broj tačaka dnevnog reda

Tokom ove godine razmatrano je ukupno 21 tačka dnevnog reda.

Pregled tački dnevnog reda

1. Simulacija uticaja Prijedloga zakona o doprinosima i Prijedloga zakona o porezu na dohodak na minimalnu plaću i ostale plaće;
2. Zakon o reprezentativnosti sindikata i udruženja poslodavaca;
3. Informacija delegacije sindikata i poslodavaca o Prednacrtu zakona o vijeću zaposlenika;
4. Pravilnici iz oblasti Zaštite na radu:
 - a) Pravilnik o uvjetima koje moraju ispunjavati radnici za zaštitu na radu, o sadržaju, načinu i troškovima polaganja stručnog ispita,
 - b) Pravilnik o sadržaju, načinu i troškovima polaganja stručnog ispita radnika koji obavljaju stručne poslove iz oblasti zaštite na radu,
 - c) Pravilnik o načinu i uvjetima obavljanja poslova zaštite na radu kod poslodavca,
5. Izvještaji:
 - a) Izvještaj o radu ESV-a za 2020. godinu i realizacija zaključaka ESV-a;
 - b) Usvajanje Izvještaja o finansijskom poslovanju ESV-a za 2020. godinu;
6. Poslovanje bez korupcije;
7. Razmatranje inicijative socijalnih partnera za utvrđivanje najniže plate u FBiH;
8. Razmatranje usaglašenog propisa Federalnog ministarstva finansija i Federalnog zavoda za programiranje i razvoj kojim se utvrđuje najniža plata u Federaciji BiH, u skladu sa članom 78. stav 3. Zakona o radu;
9. Razmatranje informacije o problemima finansiranja ESV-a od strane Federalnog ministarstva rada i socijalne politike;
10. Cijena električne energije;
11. Razmatranje:
 - a) Inicijative za donošenje Pravilnika o izmjeni pravilnika o primjeni Zakona o porezu na dobit,
 - b) Oporezivanje dohotka od prodaje udjela prema trenutno važećem Zakonu o porezu na dohodak,
 - c) Pravilnika o dinamici zamjene fiskalnih sistema u Federaciji BiH,

- d) Pravilnika o primjeni Zakona o porezu na dohodak (Evidencija o korištenju službenog vozila),
 - e) Primjene člana 32. Zakona o računovodstvu i reviziji u Federaciji BiH,
12. Kriteriji za dodjelu subvencija privredi;
13. Uredba o metodologiji izračuna i usklađivanja najniže plaće;

Ostale tačke dnevnog reda su usvajanje zapisnika, zaključaka i razno.

RALIZACIJA ZAKLJUČAKA DONESENIH NA SJEDNICAMA EKONOMSKO-SOCIJALNOG VIJEĆA U 2021. GODINI

7-127. sjednica Ekonomsko-socijalnog vijeća za teritoriju Federacije Bosne i Hercegovine, od 15.04.2021. godine.

Dnevni red:

1. Usvajanje zapisnika sa 6.(126.) sjednice ESV-a;
2. Simulacija uticaja Prijedloga zakona o doprinosima i Prijedloga zakona o porezu na dohodak na minimalnu plaću i ostale plaće;
3. Zakon o reprezentativnosti sindikata i udruženja poslodavaca;
4. Informacija delegacije sindikata i poslodavaca o Prednacrtu zakona o vijeću zaposlenika;
5. Pravilnici iz oblasti Zaštite na radu:
 - a) Pravilnik o uvjetima koje moraju ispunjavati radnici za zaštitu na radu, o sadržaju, načinu i troškovima polaganja stručnog ispita,
 - b) Pravilnik o sadržaju, načinu i troškovima polaganja stručnog ispita radnika koji obavljaju stručne poslove iz oblasti zaštite na radu,
 - c) Pravilnik o načinu i uvjetima obavljanja poslova zaštite na radu kod poslodavca,
6. Izvještaji:
 - a) Izvještaj o radu ESV-a za 2020. godinu i realizacija zaključaka ESV-a;
 - b) Usvajanje Izvještaja o finansijskom poslovanju ESV-a za 2020. godinu;
7. Razno.

Zaključci:

2.

Ekonomsko socijalno vijeće traži da Federalno ministarstvo financija dostavi socijalnim partnerima materijale prezentacije vezane za Prijedlog zakona o doprinosima i Prijedloga zakona o porezu na dohodak, radi analize i eventualnih dopuna.

3.

Socijalni partneri su načelno podržali tekst Zakon o reprezentativnosti sindikata i udruženja poslodavaca, te predložili da Federalno ministarstvo rada i socijalne politike u narednih sedam dana organizije sastanak sa delegacijom Sindikata kako bi još jednom razmotrili sporne članove Zakona na koje je Sindikat imao primjedbe.

Predstavnici Federalnog ministrastva rada i socijalne politike su dana 04.05.2021. godine, održali sastanak sa predstavnicima delegacije Sindikata, na kojem je razmatran tekst Nacrta zakona o reprezentativnosti sindikata i udruženja poslodavaca. Nakon održanog sastanka određene odredbe Nacrta navedenog zakona ostale su djelimično neusaglašene, te je zaključeno je da će Delegacija sindikata još jednom razmotriti neusaglašene odredbe i inicirati održavanje ponovnog sastanka. Imajući u vidu da Federalno ministarstvo rada i socijalne politike nije bilo obaviješteno o preduzetim aktivnostima delegacije Sindikata koje bi se odnosile na dodatno razmatranje neusaglašenih odredaba Nacrta navedenog zakona, upućena je urgencija. S obzirom da delegacija Sindikata nije postupila ni po dostavljenoj urgenciji, Nacrt navedenog zakona je upućen u dalju parlamentarnu proceduru.

4.

Socijalni partneri su saglasni sa tekstom Prednacrta Zakona o vijeću zaposlenika i traže da se uputi u dalju proceduru.

Federalno ministarstvo rada i socijalne politike je u skladu sa zaključkom Ekonomsko-socijalnog vijeća sa 6.(126.) sjednice od 17.12.2020. godine, dana 22.01.2021. godine organizovalo sastanak na temu usaglašavanja teksta Prednacrta Zakona o vijeću zaposlenika, te isti uputilo delegacijama Sindikata i Poslodavaca. S obzirom da se navedenom sastanku nije odazvala delegacija Poslodavaca, zaključeno je da će delegacija Sindikata dogovoriti bilateralan sasatanak sa predstavnicia Poslodavaca, na kojem će razmotriti obostrano predložene primjedbe i sugestije na Prenacrt Zakona o vijeću zaposlenika i usaglašene prijedloge proslijediti Federalnom ministarstvu rada i socijalne politike na dalje postupanje. Međutim, kako resornom ministarstvu nisu dostavljene usaglašenje primjedbe socijalnih partnera na tekst Prenacrta Zakona o vijeću zaposlenika, to isti nije upućen u dalju proceduru.

5.

Socijalni partneri Ekonomsko-socijalno vijeća dali suglasnost na usvajanje i primjenu Pravilnika o uvjetima koje moraju ispunjavati radnici za zaštitu na radu, o sadržaju, načinu i troškovima polaganja stručnog ispita, Pravilnika o sadržaju, načinu i troškovima polaganja stručnog ispita radnika koji obavljaju stručne poslove iz oblasti zaštite na radu i Pravilnika o načinu i uvjetima obavljanja poslova zaštite na radu kod poslodavca.

6.

Izvještaj o radu ESV-a za 2020. godinu je usvojen.

I tematska sjednica Ekonomsko-socijalnog vijeća za teritoriju Federacije Bosne i Hercegovine, održane dana 24.06.2021. godine.

Dnevni red:

1. Usvajanje zapisnika sa sjednice ESV-a;
2. Poslovanje bez korupcije.

Zaključak:

2.

Predlaže se da Vlada FBiH u roku od 3 mjeseca donese Odluku o formiranju Centralnog registra grantova, poticaja i povoljnih kredita i Centralnog registra vlasnika kapitala i ostale osnivačke akte, te da u roku od 3 mjeseca Finansijsko-informatička agencija uspostavi navedene registre.

Predlaže se da Vlada FBiH u roku od 3 mjeseca formira Savjetodavno vijeće za borbu protiv korupcije FBiH u skladu s prijedlogom.

Predlaže se da Vlada Federacije Bosne i Hercegovine formira tim za praćenje realizacije usvojenog, kojeg će voditi predstavnik Ureda premijera Vlade FBiH, a u čijem sastavu će biti predstavnici pojedinih ministarstva Vlade FBiH, Sindikata i Udruženja poslodavaca FBiH.

Stručna služba je aktima broj 03-30/14-120/22 od 14.01.2022. godine i urgencijom od 07.02.2022. godine od Ureda premijera Vlade FBiH zatražila informaciju o realizaciji zaključka Ad.2. Odgovor nije dostavljen.

II tematska sjednica Ekonomsko-socijalnog vijeća za teritoriju Federacije Bosne i Hercegovine, održane dana 15.07.2021. godine.

Dnevni red:

1. Usvajanje zapisnika sa 127. i 128. (prve tematske)sjednice ESV-a;
2. Razmatranje inicijative socijalnih partnera za utvrđivanje najniže plate u FBiH;
3. Razno.

Zaključci:

2.

Ekonomsko socijalno vijeće predlože da održavanje sastanka Kolegija ESV-a bude 26.07.2021.godine.

Stav delegacije Vlade po ovom zaključku bio je da se nisu stekli uslovi za održavanje sjednice Kolegija, kao ni sjednice ESV-a za teritorij Federacije BiH, uzevši u obzir nemogućnost osiguravanja kvoruma u budućem periodu i izjašnjenje delegacije poslodavaca. Smatrali su da je potrebno dati prostor delegacijama Poslodavaca i Sindikata da pokušaju usaglasiti stavove u vezi minimalne plaće kroz direktne pregovore, na osnovu inicijative koju je delegacija poslodavaca na sjednici ESV-a uputila delegaciji sindikata i na osnovu Zajedničke platforme za vođenje socijalnog dijaloga, koju su potpisali Sindikat i Poslodavci, dana 06.06.2021. godine. Također, bili su mišljenja da je dnevni red tematske sjednice iscrpljen, te predložili da se nakon okončanja konsultacija između delegacija Poslodavaca i Sindikata, kao i sezone godišnjih odmora, u drugoj polovini septembra, održi sastanak Kolegija ESV-a radi zakazivanja nove sjednice ESV-a.

Nastavak II tematske sjednice i redovna 8.-128. sjednica Ekonomsko-socijalnog vijeća za teritoriju Federacije Bosne i Hercegovine, održane dana 21.10.2021. godine.

Predsjednik ESV-a obavijestio je prisutne da je na sjednici Kolegija ESV-a dogovoreno da se zbog finaliziranja zapisnika danas završi II tematska sjednica. Predstavnici Vlade Federacije BiH i Poslodavaca su se izjasnili po tom pitanju, pa je zamolio i predstavnike Sindikata da se izjasne. Predstavnici Sindikata ostaju pri stavu da se treba dogovoriti oko najniže plaće, odnosno da kroz Uredbu Federalnog ministarstva finansija bude definirana u visini 70% prosječne plaće u Federaciji BiH, sa klauzulom da se periodično usklađuje sa promjenom visine prosječne plaće Federacije BiH.

Zaključak:

Socijalni partneri nisu usuglasili stav oko tačke dnevnog reda - Razmatranje inicijative socijalnih partnera za utvrđivanje najniže plate u FBiH, s obzirom da predstavnici Vlade i Poslodavaca smatraju da je diskusija ove tačke završena i da se na narednoj sjednici treba donijeti rješenje po istom.

Dnevni red:

1. Razmatranje usaglašenog propisa Federalnog ministarstva finansija i Federalnog zavoda za programiranje i razvoj kojim se utvrđuje najniža plata u Federaciji BiH, u skladu sa članom 78. stav 3. Zakona o radu;
2. Razmatranje informacije o problemima finansiranja ESV-a od strane Federalnog ministarstva rada i socijalne politike;
3. Cijena električne energije;
4. Razmatranje:
 - f) Inicijative za donošenje Pravilnika o izmjeni pravilnika o primjeni Zakona o porezu na dobit,
 - g) Oporezivanje dohotka od prodaje udjela prema trenutno važećem Zakonu o porezu na dohodak,
 - h) Pravilnika o dinamici zamjene fiskalnih sistema u Federaciji BiH,

- i) Pravilnika o primjeni Zakona o porezu na dohodak (Evidencija o korištenju službenog vozila),
 - j) Primjene člana 32. Zakona o računovodstvu i reviziji u Federaciji BiH,
5. Kriteriji za dodjelu subvencija privredi;
6. Razno.

Zaključci:

1.

Zadužuje se Vlada Federacije BiH da u roku od 15 dana pripremi Uredbu o najnižoj plaći u Federaciji BiH koristeći tri parametra: usklađivanje, sadašnju minimalnu plaću i minimalnu plaću nakon primjene novih zakona o porezu, što bi na sljedećem sastanku ESV-a bila jedina tačka dnevnog reda.

9-129. sjednica Ekonomsko-socijalnog vijeća za teritoriju Federacije Bosne i Hercegovine, od 02.12.2021. godine.

Dnevni red:

- 1. Usvajanje zapisnika sa II tematske sjednice, nastavka II tematske sjednice i redovne 8.(128.) sjednice ESV-a;
- 2. Uredba o metodologiji izračuna i usklađivanja najniže plaće;
- 3. Razno.

Zaključak.

2.

Ekonomsko socijalno vijeće je shodno članu 78. Zakona o radu (st. 1. i 3.) izvršilo konsultacije i predlaže da socijalni partneri do sutra dostave Vladi Federacije BiH pismene primjedbe i prijedloge na Uredbu o metodologiji izračuna i usklađivanja najniže plaće, koje Vlada Federacije BiH treba da razmotri, eventualno napravi konzultacije sa socijalnim partnerima i donese Uredbu do kraja godine kako bi se primjenjivala od 01.01.2022. godine.

Uredba o metodologiji izračuna i usklađivanja najniže plaće objavljena je u "Službenim novinama Federacije BiH", broj: 106/21, kao i Odluka o iznosu najniže plaće za 2022. godinu "Službene novine Federacije BiH", broj: 3/22.

Stručna služba ESV-a